



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25

tel.(032)878-877

fax (032)879-088

e-mail: polikzav@bih.net.ba

web : www.dzzavidovici.ba

Identifikacioni broj: 4218122690008

PDV broj: 218122690008

Žiro računi : ASA Banka d.d. Sarajevo : 134030000007482

Raiffeisen bank d.d. BiH Sarajevo – filijala Zenica : 1610550009120069

UPRAVNI ODBOR

Broj:01-2.16-2961/21

Datum:27.9.2021. godine

Upravni odbor JU «Dom zdravlja» Zavidovići na osnovu člana 38. Statuta JU «Dom zdravlja» Zavidovići i člana 70. Zakona o javnim nabavkama Bosne i Hercegovine («Službeni glasnik Bosne i Hercegovine» br. 39/14), na svojoj 15. sjednici održanoj dana 27.09.2021. godine, donosi

ODLUKU

o izboru najpovoljnijeg ponuđača
za nabavku TNP (LPG) propan-butan plina sa postavljanjem i montažom opreme za
skladištenje i primjenu TNP (LPG) propan-butan plina

Član 1.

Okvirni sporazum za nabavku TNP (LPG) propan-butan plina sa postavljanjem i montažom opreme za skladištenje i primjenu TNP (LPG) propan-butan plina za JU „Dom zdravlja“ Zavidovići, za period od 24 mjeseca, dodjeljuje se ponuđaču **Liquivex d.o.o. Usora**.

Član 2.

Ponuda ponuđača **Liquivex d.o.o. Usora** u provedenom otvorenom postupku, bila je prihvatljiva ponuda i nakon e-aukcije imala je najnižu cijenu, te će se ovom ponuđaču ponuditi Okvirni sporazum za nabavku TNP (LPG) propan-butan plina sa postavljanjem i montažom opreme za skladištenje i primjenu TNP (LPG) propan-butan plina za JU „Dom zdravlja“ Zavidovići, u ukupnom iznosu od **105.000,00 KM bez PDV-a, što sa PDV-om iznosi 122.850,00 KM**.

Član 3.

Drugi po rangu, nakon provedene e-aukcije, bio je ponuđač **Hifa petrol d.o.o. Sarajevo** sa ukupnom cijenom ponude u iznosu od **149.350,00 KM bez PDV-a, što sa PDV-om iznosi 174.739,50 KM**.

Član 4.

Izabrani ponuđač će morati dostaviti original ili ovjerenu fotokopiju kvalifikacione dokumentacije (dokaza) u roku od 8 dana, od dana zaprimanja obavijesti o rezultatima ovog postupka javne nabavke, odnosno ove odluke, a kako je to navedeno u tenderskoj dokumentaciji:

- a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,
- b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,
- c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.
- d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

Član 5.

Ova odluka stupa na snagu danom donošenja.

Obrazloženje

Obavještenjem o nabavci br. 638-1-1-261-3-25/21 koje je objavljeno na portalu javnih nabavki dana 19.07.2021. godine i u „Službenom glasniku BiH“, broj: 45/21 od 23.07.2021. godine, pokrenut je otvoreni postupak javne nabavke TNP (LPG) propan-butan plina sa postavljanjem i montažom opreme za skladištenje i primjenu TNP (LPG) propan-butan plina za JU „Dom zdravlja“ Zavidovići za period od 24 mjeseca.

Nakon objave obavještenja o nabavci, tendersku dokumentaciju za predmetnu nabavku sa portala javnih nabavki preuzelo je deset ponuđača i to: BBS EUROPE, BTG D.O.O. TOMISLAVGRAD, E-KAPIJA D.O.O., HIFA PETROL D.O.O. SARAJEVO, HIFA-OIL DOO TEŠANJ, LIQUIVEX D.O.O. USORA, SUPER PETROL D.O.O. BANJA LUKA, KOMPANIJA MILOJEVIĆ GILJE GAS, ISTRABENZ PLINI D.O.O. BREZA i ALMY D.O.O. ZENICA.

Ponude su u ostavljenom roku dostavila dva ponuđača: Hifa petrol d.o.o. Sarajevo i Liquivex d.o.o. Usora.

Komisija za javne nabavke (u daljem tekstu: Komisija) je izvršila otvaranje ponuda dana 10.08.2021. godine u Sali za sastanke u JU «Dom zdravlja» Zavidovići u 09,15 sati, kao što je naznačeno u tenderskoj dokumentaciji.

Nakon pregleda dostavljene dokumentacije Komisija za javne nabavke utvrdila je da dostavljene ponude odgovaraju uslovima iz tenderske dokumentacije, odnosno da su prihvatljive ponude, te je pristupila daljoj ocjeni ponuda.

U ovom postupku nabavke predviđeno je provođenje e-aukcije.

E-aukcija je način provođenja dijela postupka javne nabavke, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu e-Nabavke.

Nakon pregleda i ocjene ponuda za nabavku TNP (LPG) propan-butan plina sa postavljanjem i montažom opreme za skladištenje i primjenu TNP (LPG) propan-butan plina za JU „Dom zdravlja“ Zavidovići, utvrđeno je da su dvije ponude prihvatljive, usljed čega je bio ispunjen uslov za zakazivanje e-aukcije u sistemu e-Nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16 od 06.09.2016. godine).

Ugovorni organ odlučio je da e-aukciju zakaže za 02.09.2021. godine sa početkom u 10,00 sati, te da će e-aukcija trajati 10 minuta.

Prvobitni rang ponuđača koji je utvrđen na osnovu cijena iz ponuda i na osnovu kojeg je i zakazana e-aukcija bio je sljedeći:

Tabela 1: uporedba cijena

Ponuđač:	Hifa petrol d.o.o. Sarajevo	Liquivex d.o.o. Usora	Najniža vrijednost ponude
Vrijednost	149.350,00	105.000,00	105.000,00
Rang	2	1	

Ugovorni organ iz sistema e-nabavke, preuzeo je izvještaj o toku i završetku e-aukcije 02.09.2021. godine u 10:46 sati, te je nakon okončane e-aukcije nastavio rad na ocjeni ponuda u ovom postupku.

Iz izvještaja se može utvrditi da je e-aukcija trajala 10 minuta, da u toku e-aukcije nije bilo podnošenja ponuda, te da je nakon okončane e-aukcije prvorangirani ponuđač LIQUIVEX D.O.O. USORA sa najnižom cijenom ponude u iznosu 105.000,00 KM bez PDV-a, što sa PDV-om iznosi 122.850,00 KM, a drugi po rangu je ponuđač HIFA PETROL D.O.O. SARAJEVO sa ukupnom cijenom ponude u iznosu od 149.350,00 KM bez PDV-a, što sa PDV-om iznosi 174.739,50 KM.

Cijeneći pravilnost provedenog otvorenog postupka javne nabavke TNP (LPG) propan-butan plina sa postavljanjem i montažom opreme za skladištenje i primjenu TNP (LPG) propan-butan plina za JU „Dom zdravlja“ Zavidovići za JU „Dom zdravlja“ Zavidovići, te datu preporuku od strane Komisije za javne nabavke odlučeno je kao u dispozitivu ove Odluke.

PRAVNA POUKA: Protiv ove odluke može se izjaviti žalba u roku od 10 dana od dana prijema ove odluke.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom u tri primjerka.

DOSTAVLJENO:

1. LIQUIVEX D.O.O. USORA
2. HIFA PETROL D.O.O. SARAJEVO
3. a/a



PREDSJEDNIK

PRAVNOG ODBORA:

Elvir, dipl. pravnik